

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Broj: 02-11-4249/21

Datum: 12-01-2022 godine

Na osnovu člana 70. stav (4) i (6) Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Komisije za nabavku roba, usluga i radova I, imenovana rješenjem broj: 10-45-137/21 od 21.07.2021. godine, u daljem tekstu: Komisija, u postupku nabavke specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, Opštinski načelnik d o n o s i:

### **O D L U K U** **o poništenju postupka nabavke**

- I. Poništava se** postupak javne nabavke specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, putem otvorenog postupka broj obavještenja o nabavci: 848-1-1-130-3-72/21 od 02.08.2021. godine i ispravka obavještenja broj: 848-1-1-130-8-90/21 od 30.08.2021. godine.
- II.** Ova odluka dostavlja se svim ponuđačima koji su učestvovali u postupku javne nabavke u roku od 7 (sedam) dana od dana donošenja iste, shodno članu 71. Zakona.
- III.** Ova Odluka objavit će se na web stranici Općine Centar, [www.centar.ba](http://www.centar.ba), istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **O b r a z l o ž e n j e**

Otvoreni postupak za nabavku i isporuku specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, pokrenut je Odlukom Općinskog načelnika broj: 02-11-4249/21 od 02.08.2021. godine.

Procijenjena vrijednost predmetne javne nabavke iznosi 420.000,00 KM bez PDV-a.

Shodno Zakonu, na portalu javnih nabavki objavljeno je obavještenje o nabavci putem otvorenog postupka, broj obavještenja: 848-1-1-130-3-72/21 od 02.08.2021. godine i ispravka obavještenja broj: 848-1-1-130-8-90/21 od 30.08.2021. godine.

U roku određenom za dostavu ponuda, na adresu ovog ugovornog organa pristigle su 2 (dvije) ponude ponuđača: „SV COMPANY“ d.o.o. Laktaši i „LIV - S“ d.o.o. Visoko.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda kako slijedi:

r/b	Ponudač	POTKRITERIJ 1 Ukupna cijena ponude u KM sa PDV-om i registracijom	Popust %/KM	POTKRITERIJ 2 Rok isporuke (dana)
1.	„SV COMPANY“ d.o.o. Laktaši	491.283,00	/	265 dana
2.	„LIV - S“ d.o.o. Visoko	453.650,00	/	200 dana

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Detaljnijom analizom ponude „LIV S“ d.o.o. Visoko, Komisija je utvrdila da ponudač nije ispunio minimum traženih tehničkih karakteristika u pojedinim segmentima . Naime, na stranici 9. tehničke specifikacije i tehničkog lista (stranica 24. ponude), a u stavci koja se odnosi na materijal grabilice i nosive ploče, ponudač je ponudio materijal (St 52-3) koji ima slabija mehanička svojstva u odnosu na tražena.

Traženi materijal za grabilicu i nosivu ploču ima sljedeća mehanička svojstva :

- Vlačna čvrstoća 1200 N/mm<sup>2</sup> i više
- Granica elastičnosti 800 N/mm<sup>2</sup> i više
- Tvrdća 400 HBW i više

Mehanička svojstva ponuđenog materijala za grabilicu i nosivu ploču (čelik St 52-3)- naveden na stranici 9. u tehničkoj specifikaciji i ručno numerisanoj stranici 24, tj. u tehničkom listu.

- Vlačna čvrstoća 470-630 N/mm<sup>2</sup>
- Granica elastičnosti 355 N/mm<sup>2</sup>
- Tvrdća 146- 187 HBW .

Kao što je vidljivo iz prethodno navedenog, svojstva materijala od kojih se proizvodi jedna od najvažnijih komponenti predmetnog vozila, uveliko odstupaju od zahtjeva postavljenih u tehničkim specifikacijama.

Zbog navedenih razloga ponuda ponudača „LIV-S“ d.o.o. Visoko se odbacuje kao neprihvatljiva u skladu sa članom 68. stav (4) tačka i) Zakona.

Detaljnijom analizom ponude ponudača „SV COMPANY“ d.o.o. Laktaši utvrđeno je da je na strani 5. (Obrazac za cijenu ponude) u rubrici za godište nadogradnje upisano je 2022. godina a u tehničkim specifikacijama na strani 9., upisano je 2021. godina. Također na strani 10. U rubrici „debljina materijala nosive ploče“ ponudač nije upisao podatak o debljini materijala.

Na stranici 33. Ponude dostavljena je potvrda o izvršenom ugovoru, izdata od strane JP „Komunalno Brčko“ d.o.o. Brčko u kojoj nije navedeno vrijeme izvršenja ugovora, u skladu sa odredbom člana 48. stav (3) tačka d) Zakona. Također u potvrdama o izvršenim ugovorima izdatim od strane „KOMUNALAC“ a.d. Derventa i JP „Vodokom“ d.o.o. Kakanj, na strani 35. i 37. Ponude, nije navedeno mjesto izvršenja ugovora, u skladu sa odredbom člana 48. stav (3) tačka d) Zakona i tačkom 7.3.2. pod a) tenderske dokumentacije u predmetnom postupku nabavke.

Shodno navedenom, ponuda ponudača „SV COMPANY“ d.o.o. Laktaši se odbacuje kao neprihvatljiva u skladu sa članom 68. stav (1) i stav (4) tačka i) Zakona.

Komisija je u daljem radu donijela jednoglasnu odluku da se Opštinskom načelniku dostavi

### **PREPORUKA O PONIŠTENJU POSTUPKA**

nabavku specijalizovanog teretnog vozila za sakupljanje i odvoz otpada iz klasičnih kanti, kontejnera i zvono kontejnera za potrebe Službe za komunalnu čistoću, obzirom da u postupku nije dostavljena nijedna prihvatljiva ponuda.



Općinski načelnik je prihvatio Izvještaj i preporuku Komisije za javne nabavke, o čemu je donio ovu Odluku, shodno članu 70. stav (4) Zakona.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH/Filijala Mostar, putem ugovornog organa (Općina Centar Sarajevo), najkasnije u roku od 10 (deset) dana od dana prijema iste, shodno članu 101. stav (1) tačka d) Zakona.

Naknada za pokretanje žalbenog postupka iznosi 5.000,00 KM shodno članu 108. stav (1) tačka e) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.

Izrada: Pušina Almir

Kontrola i saglasnost: Duraković Samira



Prilog: Zapisnik o pregledu i ocjeni ponuda  
Broj: 02-11-4249/21 od 30.09.2021.godine

**DOSTAVITI:**

1. Ponuđačima:

- „SV COMPANY“ d.o.o. Laktaši, Obilićeva bb, Laktaši
- „LIV - S“ d.o.o. Visoko, Zanatski centar Sebilj 2 bb, Visoko

2. Službi za javne nabavke, zajedničke poslove i informatiku

3. Službi za civilnu zaštitu i mjesne zajednice

4. Službi za finansije

5. Arhivi

